

新

譯

大方廣佛華嚴經

籍

第四十七

一百十四

育七

47919



元祿九年丙子二月日重脩

皇國聖業 帝階聖昌

佛日增輝 懽輪常轉

山城州天安寺法金剛院置

大方廣佛華嚴經卷第四十七

于闐國三藏沙門 實叉難陀 譯

佛不思議法品第三十三之下

佛子諸佛世尊有十種廣大佛事無量
無邊不可思議一切世間諸天及人皆

不能知去來現在所有一切聲聞
亦不能知唯除如來威神之力何
等為



十所謂一切諸佛於盡虛空徧法界一
切世界兜率陀天皆現受生脩菩薩行
作大佛事無量色相無量威德無量光

明無量音聲無量言辭無量三昧無量
智慧所行境界攝取一切人天魔梵沙
門婆羅門阿脩羅等大慈無礙大悲究
竟平等饒益一切衆生或今生天或令
生人或淨其根或調其心或時為說堯
別三乘或時為說圓滿一乘普皆濟度
令出生死是為第一廣大佛事佛子一
切諸佛從兜率天降神母胎以究竟三
昧觀受生法如幻如化如影如空如熱
時燄隨樂而受無量無礙入無諍法起

無著智離欲清淨成就廣大妙莊嚴藏
受最後身住大寶莊嚴樓閣而作佛事
或以神力而作佛事或以正念而作佛
事或現神通而作佛事或現智日而作
佛事或現諸佛廣大境界而作佛事或
現諸佛無量光明而作佛事或入無數
廣大三昧而作佛事或現從彼諸三昧
起而作佛事佛子如來亦時在母胎中
為欲利益一切世間種種示現而作佛
事所謂或現初生或現童子或現在宮

或現出家或復示現成正覺或得示
現轉妙法輪或示現於入般涅槃如是
皆以種種方便於一切方一切網一切
族一切種一切世界中而作佛事是為
第二廣大佛事佛子一切諸佛一切善
業皆已清淨花山四十七三一切生智皆已明潔而以
生法誘導群迷令其開悟具行眾善為
眾生故示誕王宮一切諸佛於諸色欲
宮殿妓樂皆已捨離無所貪染常觀諸
省空無體性一切樂具悉不真實持佛

淨戒究竟圓滿觀諸內宮妻妾侍從生
大悲愍觀諸衆生虛妄不實起大慈心
觀諸世間無一可樂而生大喜於一切
法心得自在而起大捨具佛功德現生
法界身相圓滿眷屬清淨而於一切皆
無所著以隨類音為衆演說令於世法
深生厭離如其所行示所得果復以方
便隨應教化未成熟者令其成熟已成
熟者令得解脫為作佛事令不退轉復
以廣大慈悲之心恒為衆生說種種法

又為示現三種自在令其開悟心得清
淨雖處內宮衆所咸覩而於一切諸世
界中施作佛事以大智慧以大精進示
現種種諸佛神通無礙無盡恒住三種
巧方便業所謂身業究竟清淨業常
隨智慧而行意業甚深無有障礙以是
方便利益衆生是為第三廣大佛事佛
子一切諸佛示處種種在嚴宮殿觀察
厭離捨而出家欲使衆生了知世法皆
是妄想無常敗壞深起厭離不生染著

永斷世間貪愛煩惱脩清淨行利益眾
生當出家時捨俗威儀住無諍法滿足
本願無量功德以大智光滅世癡闇為
諸世間無上福田常為眾生讚佛功德
令於佛所植諸善本以智慧眼見真實
義復為眾生讚說出家清淨無過永得
出離長為世間智慧高幢是為第四廣
大佛事佛子一切諸佛具一切智於無
量法悉已知見菩提樹下成最正覺降
伏眾魔威德特尊其身充滿一切世界

神力所作無邊無盡於一切智所行之
義皆得自在修諸功德悉已圓滿其喜
提座具足莊嚴周徧十方一切世界佛
處其上轉妙法輪說諸菩薩所有行願
開示無量諸佛境界令諸菩薩皆得悟
入修行種種花の清淨妙行復能示導一切
衆生令種善根生於如來平等地中住
諸菩薩無邊妙行成就一切功德勝法
一切世界一切衆生一切佛刹一切諸
法一切菩薩一切教化一切三世一切

調伏一切神變一切衆生心之樂欲悉
善了知而作佛事是為第五廣大佛事
佛子一切諸佛轉不退法輪令諸菩薩
不退轉故轉無量法輪令一切世間咸
了知故轉開悟一切法輪能大無畏師
子吼故轉一切法智藏法輪開法藏門
除闇障故轉無礙法輪等虛空故轉無
著法輪觀一切法非有無故轉照世法
輪令一切衆生淨法眼故轉開示一切
智法輪悉徧一切三世法故轉一切佛

同一法輪一切佛法不相違故一切諸
佛以如是等無量無數百千億那由他
法輪隨諸衆生心行差別而作佛事不
可思議是為第六廣大佛事佛子一切
諸佛入於一切王都城邑為諸衆生而
作佛事所謂人王都邑天王都邑龍王
夜叉王乾闥婆王阿修羅王迦樓羅王
緊那羅王摩睺羅伽王羅刹王毗舍闍
王如是等王一切都邑入城門時大地
震動光明普照盲者得眼聾者得耳狂

者得心裸者得衣諸憂苦者悉得安樂
一切樂器不鼓自鳴諸莊嚴具若著不
著咸出妙音衆生聞者無不欣樂一切
諸佛色身清淨相好具足見者無厭能
為衆生作於佛事所謂若顧視若觀察
若動轉若屈申若行若住若坐若卧若
默若語若現神通若為說法若有教勅
如是一切皆為衆生而作佛事一切諸
佛普於一切無數世界種種衆生心樂
海中勸令唵佛常勤觀察種諸善根修

菩薩行歎佛色相微妙第一一切衆生
難可值遇若有得見而興信心則生一
切無量善法集佛功德普皆清淨如是
稱讚佛功德已分身普徃十方世界令
諸衆生悉得瞻奉思惟觀空承事供養
卷之四十七
種諸善根得佛歡喜增長佛種悉得成
佛以如是行而作佛事或為衆生示現
色身或出妙音或但微笑令其信樂頭
頂禮敬曲躬合掌稱揚讚歎問訊起居
而作佛事一切諸佛以如是等無量無

數不可言說不可思議種種佛事於一
切世界中隨諸衆生心之所樂以本願
力大慈悲力一切智力方便教化悉令
調伏是為第七廣大佛事佛子一切諸
佛或住阿蘭若處而作佛事或住寂靜
處而作佛事或住空閑處而作佛事或
住佛住處而作佛事或住三昧而作佛
事或獨處園林而作佛事或隱身不現
而作佛事或住甚深智而作佛事或住
諸佛無比境界而作佛事或住不可見

種種身行隨諸衆生心樂欲解方便教
化無有休息而作佛事或以天身求一
切智而作佛事或以龍身夜叉身乾闥
婆身阿脩羅身迦樓羅身緊那羅身摩
睺羅伽人非人等身求一切智而作佛
事或以卷之四十七聲聞身獨覺身菩薩身求一切
智而作佛事或時說法或時寂默而作
佛事或說一佛或說多佛而作佛事或
說諸菩薩一切行一切願為一行願而
作佛事或說諸菩薩一行一願為無量

行願而作佛事或說佛境界即世間境界而作佛事或說世間境界即佛境界而作佛事或說佛境界即非境界而作佛事或住一日或住一夜或住半月或住一月或住一年乃至住不可說劫為諸衆生而作佛事是為第八廣大佛事佛子一切諸佛是生清淨善根之藏令諸衆生於佛法中生淨信解諸根調伏永離世間令諸菩薩於菩提道具智慧明不由他悟或現涅槃而作佛事或現世間皆悉無常而

作佛。或說佛身而作佛事。或說所作
皆悉已辯。而作佛事。或說功德圓滿無
缺。而作佛事。或說永斷諸有根本。而作
佛事。或令衆生厭離世間。隨順佛心。而
作佛事。或說壽命終歸於盡。而作佛事。
或說世間無一可樂。而作佛事。或爲宣
說盡未來際。供養諸佛。而作佛事。或說
諸佛轉淨法輪。令其得聞。生大歡喜。而
作佛事。或爲宣說諸佛境界。令其發心。
而修諸行。而作佛事。或爲宣說念佛三

印今發心常樂見佛而作佛事或為
宣說諸根清淨勤求佛道心無懈怠而
作佛事或詣一切諸佛國土觀諸境界
種種因緣而作佛事或攝一切諸衆生
身皆為佛身令諸懈怠放逸衆生悉住
如來清淨禁戒而作佛事是為第九廣
大佛事佛子一切諸佛入涅槃時無量
衆生悲號涕泣生大憂惱遮相瞻顧而
作是言如來世尊有大慈悲哀愍饒益
一切世間與諸衆生為救為歸如來出

現難可值遇無上福田於今永滅即以
如是令諸衆生悲號戀慕而作佛事復
爲化度一切天人龍神夜叉卍闍婆阿
脩羅迦樓羅緊那羅摩睺羅伽人非人
等故隨其樂欲自碎其身以爲舍利無
量無數不可思議令諸衆生起淨信心
恭敬尊重歡喜供養修諸功德具足圓
滿復起於塔種種嚴飾於諸天宮龍宮
夜叉宮卍闍婆阿脩羅迦樓羅緊那羅
摩睺羅伽人非人等諸宮殿中以爲供

養牙齒爪髮咸以起塔令其見者皆悉
念佛念法念僧信樂不迴誠敬尊重在
在處處布施供養修諸功德以是福故
或生天上或處人間種族尊榮財產備
足所有眷屬悉皆清淨不入惡趣常生
善道恒得見佛具衆白法於三有中速
得出離各隨所願獲自乘果於如來所
知恩報恩永與世間作所歸依佛子諸
佛世尊雖般涅槃仍與衆生作不思議
清淨福田無盡功德最上福田令諸衆

生善根具足福德圓滿是爲第十廣大
佛事佛子此諸佛事無量廣大不可思
議一切世間諸天及人及去來今聲聞
獨覺皆不能知唯除如來威神所加佛
子諸佛世尊有十種無二行自在法何
等爲十所謂一切諸佛悉能善說授記
言辭決定無二一切諸佛悉能隨順衆
生心念令其意滿決定無二一切諸佛
悉能現覺一切諸法演說其義決定無
二一切諸佛悉能具足去來今世諸佛

智慧深定無二一切諸佛悉知三世一
切刹那即一刹那決定無二一切諸佛
悉知三世一切佛刹入一佛刹決定無二
一切諸佛悉知三世一切佛語即一佛語
決定無二一切諸佛悉知三世一切諸佛
與其所化一切衆生體性平等決定無二
一切諸佛悉知世法及諸佛法性無差別
決定無二一切諸佛悉知三世一切諸佛
所有善根同一善根決定無二是爲十
佛子諸佛世尊有十種注住一切法中

等爲十所謂一切諸佛住覺悟一切法
界一切諸佛住大悲語一切諸佛住本大
願一切諸佛住不捨調伏衆生一切諸佛
住無自性法一切諸佛住平等利益一切
諸佛住無忘失法一切諸佛住無障礙心
一切諸佛住恆正定心一切諸佛住等入
一切法不違實際相是爲十佛子諸佛
世尊有十種知一切法盡無有餘何等爲
十所謂知過去一切法盡無有餘知未來
一切法盡無有餘知現在一切法盡無

有餘知一切言語法盡無有餘知一切
世間道盡無有餘知一切衆生心盡無
有餘知一切菩薩善根上中下種種分
位盡無有餘知一切佛圓滿智及諸善
根不增不減盡無有餘知一切法皆從
緣起盡無有餘知一切世界種盡無有
餘知一切法界中如因陀羅網諸差別
事盡無有餘是爲十佛子諸佛世尊有
十種廣大力量最上力量無量力大威德力
難獲力不退力堅固力不可壞力一切

世間不思議力一切衆生無能動力
那羅延幢勇健法何者爲十所謂一切
諸佛身不可壞命不可斷世間毒藥所
不能中一切世界水火風災皆於佛身
不能爲害一切諸魔天龍夜叉軋闍婆
阿脩羅迦樓羅緊那羅摩睺羅伽人非
人毗舍闍羅刹等盡其勢力兩大金剛
如須彌山及鐵圍山徧於三千大千世
界一時俱下不能令佛心有驚怖乃至
一毛亦不搖動行住坐臥初無變易佛

所住處四方遠近不令其下則不能保
假使不制而從兩之終不爲損若有衆
生爲佛所持及佛所使尚不可害況如
來身是爲諸佛第一大那羅延幢勇健
法佛子一切諸佛以一切法界諸世界中
須彌山王及鐵圍山大鐵圍山大海山林
宮殿屋宅置一毛孔盡未來劫而諸衆生
不覺不知唯除如來神力所被佛子亦
時諸佛於一毛孔持於尔所一切世界盡
未來劫或行或住或坐或卧不生一念

勞倦之心佛子譬如虛空普持一切
法界中所有世界而無勞倦一切諸佛
於一毛孔持諸世界亦復如是是爲諸
佛第二大那羅延幢勇健法佛子一切
諸佛能於一念起不可說不可說世界
微塵數步一一步過不可說不可說佛
刹微塵數國土如是而行經一切世界
微塵數劫佛子假使有一大金剛山與
上所經一切佛刹其量正等如是量等
大金剛山有不可說不可說佛刹微塵

數諸佛能以如是諸山置一毛孔佛身
毛孔與法界中一切衆生毛孔數等一
一毛孔悉置忉許大金剛山持忉許山
遊行十方入盡虛空一切世界從於前
際盡未來際一切諸劫無有休息佛身
無損亦不勞倦心常在定無有散亂是
爲諸佛第三大那羅延幢勇健法佛子
一切諸佛一座食已結加趺坐經前後
際不可說劫入佛所受不思議樂其身
安住寂然不動亦不廢捨化衆生事佛

子假使有人於徧虛空一一世界悉以毛
端次第度量諸佛能於一毛端處結加
趺坐盡未來劫如一毛端處一切毛端
處悉亦如是佛子假使十方一切世界
所有衆生一一衆生其身大小悉與不
可說佛刹微塵數世界量等輕重亦
余諸佛能以余所衆生置一指端盡於
後際所有諸劫一切指端皆亦如是盡
持余許一切衆生入徧虛空二世界盡
於法界悉使無餘而佛身心曾無勞倦

是爲諸佛第四大那羅延幢身健法備
子一切諸佛能於一身化現不可說不
可說佛刹微塵數頭一一頭化現不可
說不可說佛刹微塵數舌一一舌化出
不可說不可說佛刹微塵數差別音聲
法界衆生靡不皆聞一一音聲演不可
說不可說佛刹微塵數修多羅藏一一
修多羅藏演不可說不可說佛刹微塵
數法一一法有不可說不可說佛刹微
塵數文字句義如是演說盡不可說不

可說佛刹微塵數劫盡是劫已復更演
說盡不可說不可說佛刹微塵數劫如
是次第乃至盡於一切世界微塵數盡
一切衆生心念數未來際劫猶可窮盡
如來化身所轉法輪無有窮盡所謂智
慧演說法輪斷諸疑惑法輪照一切法
法輪開無礙藏法輪令無量衆生歡喜
調伏法輪開示一切諸菩薩行法輪高
升圓滿人智慧日法輪普然照世智慧
明燈法輪辯才無畏種種莊嚴法輪

一佛身以神通力轉如是等差別法輪
一切世法無能爲喻如是盡虛空界一
一毛端分量之處有不可說不可說佛
刹微塵數世界一一世界中念念現不
可說不可說佛刹微塵數化身一一化
身皆亦如是所說音聲文字句義二
充滿一切法界其中衆生皆得解了而
佛言音無變無斷無有窮盡是爲諸佛
第五大那羅延幢勇健法佛子一切諸
佛皆以德相莊嚴胷臆猶若金剛不可

損壞菩提樹下結加趺坐魔王軍衆其
數無邊種種異形甚可怖畏衆生見者
靡不驚懾悉發狂亂或時致死如是魔
衆徧滿虛空如來見之心無恐怖容色
不變一毛不豎不動不亂無所分別雖
諸喜怒寂然清淨住佛所住具慈悲大
諸根調伏心無所畏非諸魔衆所能傾
動而能摧伏一切魔軍皆使迴心稽首
歸依然後復以三輪教化令其悉發阿
耨多羅三藐三菩提意永不退轉是爲

諸佛第六大那羅延幢勇健法住一切
切諸佛有無礙音其音普徧十方世界
衆生聞者自然調伏彼諸如來所出音
聲湏弥盧等一切諸山不能爲障天宮
龍宮夜叉宮皀闍婆阿脩羅迦婁羅緊
那羅摩睺羅伽人非人等一切諸宮所
不能障一切世界高大音聲亦不能障
隨所應化一切衆生靡不皆聞文字句
義悉得解了是爲諸佛第七大那羅延
幢勇健法佛子一切諸佛心無障礙於

百千億那由他不可說不可說劫恒善
清淨去來現在一切諸佛同一體性無
濁無翳無我無我所非內非外了境空
寂不生妄想無所依無所作不住諸相
永斷分別本性清淨捨離一切攀緣憶
念於一切法常無違諍住於實際離欲
清淨入真法界演說無盡離量非量所
有妄想絕爲無爲一切言說於不可說
無邊境界悉已通達無礙無盡智慧方
便成就十力一切功德莊嚴清淨演說

種種無量諸法皆與實相不相違背於
諸法界三世諸法悉等無異究竟自在
入一切法最勝之藏一切法門正念不
惑安住十方一切佛刹而無動轉得不
斷智知一切法究竟無餘盡諸有漏心
善解脫慧善解脫住於實際通達無礙
心常正定於三世法及以一切衆生心行
一念了達皆無障礙是為諸佛第八大
那羅延幢勇健法佛子一切諸佛同一法

境界無量身功德無量
山間無盡

身三界不染身隨念示現身非實非虛
平等清淨身無來無去無為不壞身一
相無相法自性身無處無方徧一切身
神變自在無邊色相身種種示現普入
一切身妙法方便身智藏普照身示法
平等身卷四 四十七徧法界十五身無動無分別非有
非無常清淨身非方便非不方便非滅
非不滅隨所應化一切衆生種種信解
而示現身從一切功德寶所生身具一
切諸佛法真如身本性寂靜無障礙身

成就一切無礙法身徧住一切清淨法
界身分形普徧一切世間身無攀緣無
退轉永解脫具一切智普了達身是為
為諸佛第九大那羅延幢勇健法佛子
一切諸佛等悟一切諸如來法等修一
切諸菩薩行若願若智清淨平等猶如
大海悉得滿足行力尊勝未曾退怯住
諸三昧無量境界示一切道勸善誡惡
智力第一演法無畏隨有所問悉能善
答智慧說法平等清淨身語意行悉皆

無雜住佛所住諸佛種性以佛智慧而
作佛事住一切智演無量法無有根本
無有邊際神通智慧不可思議一切世
間無能解了智慧深入見一切法微妙廣大
無量無邊三世法門咸善通達一切世界悉
能開曉以出世智於諸世間作不可說
種種佛事成不退智入諸佛數雖已證
得不可言說離文字法而能開示種種
言辭以普賢智集諸善行成就一念相
應妙慧於一切法悉能覺。如先所念

一切衆生皆依自乘而於一切諸

法一切世界一切衆生一切三世於法界

內如是境界其量無邊以無礙智悉能

知見佛子一切諸佛於一念頃隨所應化

出興於世住清淨土成等正覺現神

通力開悟三世一切衆生心意及識不

失於時佛子衆生無邊世界無邊法界

無邊三世無邊諸佛最勝亦無有邊悉

現於中成等正覺以佛智慧方便開悟

無有休息佛子一切諸佛通力現

取沙身住無邊處大悲方便心無礙
於一切時常為衆生演說妙法是為諸
佛第十大那羅延幢勇健法佛子此一切
諸佛大那羅延幢勇健法無量無邊
不可思議去來現在一切衆生及以二
乘不能解了唯除如來神力所加佛子
諸佛世尊有十種決定法何等為十所
謂一切諸佛定從兜率壽盡下生一切
諸佛定示受生處胎十月一切諸佛定厭

世俗樂求出家

一切諸佛定坐於

樹下成等正覺悟諸佛法一切諸佛
定於一念悟一切法一切世界示現神力
一切諸佛定能應時轉妙法輪一切諸
佛定能隨彼所種善根應時說法而為
授記一切諸佛定能應時為作佛事一
切諸佛定能為諸成就菩薩而授記
筭一切諸佛定能一念普答一切衆生
所問是為十佛子諸佛世尊有十種速
疾法何等為十所謂一切諸佛若有見
速得遠離一切惡趣一切諸佛若有

心者速得圓滿殊勝功德一切諸佛若
有見者速能成就廣大善根一切諸佛
若有見者速得往生淨妙天上一切諸
佛若有見者速能除斷一切疑惑一切
諸佛若已發菩提心而得見者速得成
就廣大信解永不退轉能隨所應教化
衆生若未發心即能速發阿耨多羅三
藐三菩提心一切諸佛若未入正位而
得見者速入正位一切諸佛若有見者
速能清淨世出世間一切諸根一切諸

若有見者速得除滅一切障礙一切諸
佛若有見者速能獲得無畏辯才是
為十佛子諸佛世尊有十種應常憶念
清淨法何等為十所謂一切諸佛過去
因緣一切菩薩應常憶念一切諸佛清
淨勝行一切菩薩應常憶念一切諸佛
滿足諸度一切菩薩應常憶念一切諸
佛成就大願一切菩薩應常憶念一切
諸佛積集善根一切菩薩應常憶念一
切菩薩已具梵行一切菩薩應常憶念

諸佛現成正覺一切菩薩應常憶
念一切諸佛色身無量一切菩薩應常
憶念一切諸佛神通無量一切菩薩應
常憶念一切諸佛十力無畏一切菩薩
應常憶念是為十佛子諸佛世尊有十
種一切智住何等為十所謂一切諸佛
於一念中悉知三世一切衆生心心所行
一切諸佛於一念中悉知三世一切衆生
所集諸業及業果報一切諸佛於一念

慈心一切衆生所宜以三種輪及化調

八一切諸佛於一念中盡知以八一切衆
生所有心相於一切處普現佛興令其
得見方便攝受一切諸佛於一念中普
隨法界一切衆生心樂欲解示現說法
令其調伏一切諸佛於一念中悉知法
界一切衆生心之所樂爲現神力一切
諸佛於一念中徧一切處隨所應化一
切衆生示現出興爲說佛身不可取著
一切諸佛於一念中普至法界一切處

一切衆

以彼諸首

一切者

多

念

念

念

念

念

念

隨諸衆生有憶念者在在處處無不往應一切諸
佛於一念中悉知一切衆生解欲為其
示現無量色相是為十佛子諸佛世尊
有十種無量不可思議佛三昧何等為
十所謂一切諸佛恒在正定於一念中
徧一切處普為衆生廣說妙法一切諸
佛恒在正定於一念中徧一切處普為
衆生說無我際一切諸佛恒在正定於
一念中徧一切處普入三世一切諸佛
恒在正定於一念中徧一切處普入十

方廣大佛剎一切諸佛恒在正定於一
念中徧一切處普現無量種種佛身一
切諸佛恒在正定於一念中徧一切處
隨諸衆生種種心解現身語意一切諸
佛恒在正定於一念中徧一切處說一
卷之四十七 十九
切法離欲真際一切諸佛恒在正定於
一念中徧一切處演說一切緣起自性
一切諸佛恒在正定於一念中徧一切
處示現無量世出世間廣大莊嚴令諸
衆生常得見佛一切諸佛恒在正定於

一念中徧一切處令諸衆生悉得通達
一切佛法無量解脫究竟到於無上彼
岸是為十佛子諸佛世尊有十種無礙
解脫何等為十所謂一切諸佛能於一
塵現不可說不可說諸佛出興於世一
切諸佛能於一塵現不可說不可說諸
佛轉淨法輪一切諸佛能於一塵現不
可說不可說衆生受化調伏一切諸佛
能於一塵現不可說不可說諸佛國土
一切諸佛能於一塵現不可說不可說

菩薩授記一切諸佛能於一塵現去來
今一切諸佛一切諸佛能於一塵現去
來今諸世界種一切諸佛能於一塵現
去來今一切神通一切諸佛能於一塵
現去來今一切衆生一切諸佛能於一
塵現去來今一切佛事是為十

大方廣佛華嚴經卷第四十七

